

延
心
生
經

延心生經

虔誠仍播告諸天惟願慈悲赦罪愆金爐
飄渺妙典真詮大道法無邊

斗姥讚

大梵先天主。虛皇斗姥尊。
向難窺竅妙。豈復入明言。
寶座臨金殿。霞光照玉軒。
萬真朝帝所。飛鳥攝雲端。
圓明斗姥天尊。

衆誦天地自然

天地自然。穢氣分散。

洞中玄虛。晃朗太元。

八方威神。使我自然。

靈寶符命。普告九天。

乾囉怛哪。洞罡太元。

斬妖縛邪。渡鬼萬千。

中山神咒。元始玉文。

持誦一遍。却病延年。

按行五嶽。八海知聞。
魔王束首。侍衛我軒。
凶穢消散。道氣長存。
急急如律令。
神水蕩穢天尊。

上帝有勅。發點斗燈。
七元下降。
照護群生。左輔右弼。
大顯威靈。
天蓬元帥。統領天兵。
五雷使者。
六甲六丁。玄武大聖。
臺中三星。

上離金闕。下赴凡塵。消災解厄。
保命延生。願降威力。馘滅邪崇。
三魂護體。七魄安寧。違勅者戮。
慄勅者生。斗燈一點。身有光明。
斗燈再點。永保長生。（用開光符）
燈光朗照天尊。

恭炷真香。虔誠上啓。

虛無自然。三清三境三寶天尊。
北斗聖父。周御國王天尊。

北斗聖姥。紫光聖德天后。二天尊星君。
中天大聖。北斗九宸。皇上道君。
九皇夫人。妃嬪仙眷。
三台華蓋星君。
天罡節度星君。
斗中延生保命。度厄益算。消災散禍。
扶衰七元神君。
北斗垣中。樞機二相真君。

玉梵妙梵。二大天王。
引導林使者。
斗中三尊二使。解厄諸大靈官。
玄都十一大耀星君。
南斗六司星君。
東西中正三斗星君。
森羅萬象星君。
斗周天纏度群真。
當生本命元宸星君。

本命神將。
本限星君。
命運限宮。照臨真宰。
三官五帝。九府四司。
傳經啓教。歷派真師。
斗府五曹。合屬官將。
四值使者。傳奏功曹。
城隍土地。社里司土六神。
恭望鴻慈。鑒今朝禮。入意。

情悃已露。聰聽必聞。諒沐慈恩。曲垂洞鑒。

稽首太上尊。皈命禮北辰。

仰啓二尊帝。朝覲七元君。

經乃濟世寶。道爲天地根。

消厄解諸災。護命保年辰。

南陵三千使。北斗七千神。

俱來臨法座。同護清靜門。

弟子志心誦。道炁自然全。

志心皈命禮。

尊居萬象。道貫三才。統御北宸。位
正玄都之上。鳳台西域。運合紫微之
宮。天人孕秀。玉華池。感生金蓮九苞
。聖姥結胎。生竺國。現玉相於中天。
紀綱造化。統制乾坤。掌握陰陽。運
行日月。聖父乃九王之父。國乃萬象
之王。率土蒼生。咸蒙化育。大悲大
願。大聖大慈。

龍漢祖劫周御國王天尊。

志心皈命禮。

西天竺國。大智光中。真空妙相法王
師。無上玄元天姥主。金光燦處。日
月潛輝。寶杵旋時。鬼神失色。顯靈
踪於塵世。衛聖駕於閻浮。衆生有難
若稱名。大士尋聲來救苦。大悲大願
。大聖大慈。

聖慧先天斗姥。紫光金尊。聖德巨光天

后。救苦護生。摩利支天大聖。圓明
道姥天尊。

志心皈命禮。

紫微宸極。勾陳天宮。九光寶苑之中。
五炁玄都之上。體元皇而佐司玄化。
總兩極而共理三才。主持兵革之權
衡。廣推大德。統御星辰之躔次。毋
失常經。上象巍峩。真元恢漠。大悲
大願。大聖大慈。

勾陳上宮。天皇大帝。

志心皈命禮。

大羅天闕。紫微星宮。尊居北極之高。
。位正中天之上。佛號金輪熾盛。道
稱王斗玄尊。璇璣玉衡。齊七政。總
天地經緯。日月星宿。約四時。行黃
道。紫垣萬象宗師。諸天統御。大悲
大願。大聖大慈。

萬星教主。無極元皇。中天紫微。北極

大帝

志心皈命禮。九月初一日誦

紫微垣內。天元宮中。璇璣玉衡。建
之七政。瑤池金鑑。布之以鎮萬方。
正天度於台垣。拯生民於水火。大悲
大願。大聖大慈。
紫微垣內。北斗第一。陽明貪狼。大道
星君。

志心皈命禮。初二日

紫微垣內。地元宮中。陰鷲下民。惟
神明之所稱妙。股肱上帝。非聖德其
孰能然。斡天星於指掌之中。斂地煞
於魁罡之下。大悲大願。大聖大慈。
紫微垣內。北斗第二。陰精巨門。大道
星君。

志心皈命禮。初三日

紫微垣內。日元宮中。陶冶陰陽。養
育群生於下土。循環晝夜。理合次舍

於周天。無願不從。有求即應。大悲
大願。大聖大慈。
紫微垣內。北斗第三。真人祿存。大道
星君。

志心皈命禮。初四日

紫微垣內。月元宮中。文武聖神。固
昊天之邦本。聰明睿智。廣黃老之規
模。開拓輿圖。作興人物。大悲大願
。大聖大慈。

紫微垣內。北斗第四。玄冥文曲。大道
星君。

志心皈命禮。初五日

紫微垣內。江元宮中。軌徹中天。懋
德丕隆於分野。斡璇造化。功成麗美
於周天。捍危消災。致祥祛患。大悲
大願。大聖大慈。

紫微垣內。北斗第五。丹元廉貞。大道
星君。

志心皈命禮。初六日

紫微垣內。河元宮中。光耀三元。衆
曜燦珠璣之色。景含太乙。淨泓連玉
鑑之秋。作民物之皈命。爲陰陽之宗
祖。大悲大願。大聖大慈。

紫微垣內。北斗第六。北極武曲。大道
星君。

志心皈命禮。初七日

紫微垣內。海元宮中。玉軸璇空。普

掃群陰之聚。金齡布斗。暗消六害之
災。照布天恩。默扶大化。大悲大願
。大聖大慈。

紫微垣內。北斗第七。天罡破軍。大道
星君。

志心皈命禮。初八日

紫微垣內。帝道宮中。斗柄廻旋。運
尅戰刑冲之危。星光朗照。發康寧福
壽之祥。垂象有孚。流光無盡。大悲

大願。大聖大慈。

紫微垣內。北斗第八。洞明左輔。大道

星君。

志心皈命禮。初九日

紫微垣內。上尊宮中。位應三台。統

攝鬼神之部。功調七政。權衡化理之

機。一視同仁。普資萬彙。大悲大願

。大聖大慈。

紫微垣內。北斗第九。隱光右弼。大道

星君。

志心皈命禮。

光涵鼎象。瑞啓泰階。經緯周旋。輝
照一輪之月。珠璣燦爛。華澄五色之
雲。司祿命以無虛。恩推四海。盟宗
室而有主。彩徹三垣。地接文昌。直
等公孤之貴。靈通大帝。遙開閭闔之
門。傍圓蓋以高擎。尊同宰輔。映方
塘而遞遍。影散光芒。大悲大願。大

聖大慈。

中天大聖。統御乾坤。平衡三台星君。

志心皈命禮。四序宮如遇二十

四之日加誦之

陽調六律。曆正三元。綱立四時。寒暑遞交成四序。景尋二至。陰陽迭嬗定二分。如當雨水流來。蟄看驚啓。最喜清明節遇。穀布陽和。小滿期臨。芒種凜及時之訓。炎光候至。乘涼

避大暑之威。處伏熱以迎秋。露分兩
度。值飛霜而耐歲。寒閉重關。大悲
大願。大聖大慈。

皇輿境內。值年節候。二十四位神君。

志心皈命禮。

紫微垣內。南極宮中。每歲一臨於凡
世。適劬勞生我之辰。流年六度降人
間。正高上賦形之日。作人臣之主宰
。福集元辰。爲造化之樞機。光充本

命。判人間善惡之期。司陰府是非之
目。五行共稟。七政同科。大悲大願
。大聖大慈。
大聖北斗。天輪宮中。當生本命元辰星
君。

北斗咒

北斗九辰。中天大聖。上朝金闕。下覆
崑崙。調理綱紀。統制乾坤。大魁貪狼
。巨門祿存。文曲廉貞。武曲破軍。高

上玉皇。紫微帝君。大周天界。細入微
塵。何災不滅。何福不臻。元皇正氣。
來合我身。天罡所指。晝夜常輪。我等
弟子。好道求靈。願見尊儀。永保長生
。三台虛精。六淳曲生。生我養我。護
我身形。靈靈靈權靈靈靈行靈靈靈標靈靈靈補
尊帝君。
急急如律令敕。

太上玄靈斗姥元君本命延生心經
老君曰。斗姥上靈光圓。大天寶月。中

有騫樹。色瑩琉璃。玉兔長生。擣鍊大
藥。凡天地氣運休否。日月星辰錯行。
雨暘晦明不時。風寒暑濕不節。亢旱水
火。疫癘兇災。至如刀兵蟲蝗。妖精鬼
怪。疾病傷生。爭訟橫撓。種種不息。
皆乘乖氣所致。斗姥降以大藥。普垂施
治之功。變理五行。升降二氣。解滯去
窒。破暗除邪。愆期者應期。失度者得
度。安全胎育。治療病疴。潤益根莖。

暢回氣候。生成人物。煉度鬼魂。散穰
百結。資補八陽。輔正全真。召和延祚
。位居斗姥。職重天醫。生諸天衆。月
之明。爲北斗衆星之姆。斗爲之魄。水
爲之精。主生人身。光凝性水。衆水一
月。衆月一光。有情無情。均稟靈光道
氣。一一資其生長。護衛恩深。德重皆
莫能知。是以人身。面有七竅。內應乎
心。魄有七真。受魄於斗。斗姥尊號曰

。九靈大妙。白玉龜臺。夜光金精。斗
姥元君。又曰中天梵炁。斗姥元君。紫
光明哲。慈惠太素元君。金真聖德天尊
。又化號大圓滿月光王。又曰東華慈皇
君。天醫大聖。應號不一。主治中天寶
閣。祖劫玄明真。淨天修行。玄靈妙道
。勤奉元始至尊。慧香氤氳。智燈朗耀
。每發至願。願生聖子。補裨造化。統
制乾坤。願力堅固。終始如一。因沐浴

於九曲華池之中。湧出白玉龜臺。神蟹
寶座。斗姆登寶座之上。怡養神真。修
煉精魄。冲然攝炁。氣入玄玄。混合靈
風。紫虛蔚勃。果証玄靈妙道。放無極
微妙光明。洞徹華池。化生金蓮九苞。
經人間七晝夜。時其花池中光明。愈熾
愈盛。其光一時上騰九華天中。化成九
寶樓閣。寶閣之中。混凝九真梵炁。自
然成章文曰。靈叱靈諦靈摩靈尼靈達靈里靈牛靈鉢靈叱

。前有天罡。光敷秘字。文曰靈靈。
芒角。料然是九章生神。應現九皇道體。
。一曰天皇。二曰紫微。三曰貪狼。四
曰巨門。五曰祿存。六曰文曲。七曰廉
貞。八曰武曲。九曰破軍。天皇紫微尊
帝。二星居斗口娑羅上宮。真光大如車
輪。得見之者。身得長生。位証真仙。
永不輪轉。二星分作餘暉。爲左輔右弼
。爲擎羊陀羅。神化無方。統領玄黃正

炁。七元星君。斡運陰陽造化。功沾三界。德潤群生。其功德力。不可思議。夫修煉九還七返大丹者。持此頓悟玄關。靈光現前。三十九節。自然生榮。了証太玄三一之道。知守本來面目。堅固真身。更能精修大定。乃至形神俱妙。與道合真。飛昇玉京。逍遙自在。如此則劫劫生生。玄祖宗親。皈心持奉。靜處璇機。內景無漏於六根。外景不淪於

萬有。湛然清靜。道在目前。頂禮真形。
。恭敬

咒曰。

玄靈節榮。永保長生。太玄三一。
守護真形。五臟神君。各保安寧。
太上玄靈斗姥元君本命延生心經
皈命先天雷祖帝。
紫光金尊摩利支。
西乾自在運神通。

大施慈悲救苦難。
日月高明能映奪。
衆生急迫賴扶持。
弟子依教誦靈章。
天耳遙聞垂感應。

（加持）自運原神觀想斗姥光圈并觀想
斗姥真容手結斗姥印念斗姥神咒

注想金容。朝禮聖號。
志心朝禮。

一炁梵天。聖德巨光天后。圓明斗姥元君。

三光聖母。聖德巨光天后。圓明斗姥元君。

駕遊日月二宮前。聖德巨光天后。圓明斗姥元君。

敕賜雷霆大法主。聖德巨光天后。圓明斗姥元君。

威光赫奕。聖德巨光天后。圓明斗姥元

君。

妙相圓融。聖德巨光天后。圓明斗姥元

君。

接引衆生。聖德巨光天后。圓明斗姥元

君。

超離諸苦。聖德巨光天后。圓明斗姥元

君。

大悲大慈。聖德巨光天后。圓明斗姥元

君。

大聖大慈。聖德巨光天后。圓明斗姥元君。

中天大聖。北斗九皇。勾陳上宮。天皇大帝。

中天大聖。北斗九皇。萬星帝主。紫微大帝。

中天北斗。解厄延生。陽明貪狼。本命星君。

中天北斗。解厄延生。陰精巨門。本命

星君。

中天北斗。解厄延生。真人祿存。本命

星君。

中天北斗。解厄延生。玄冥文曲。本命

星君。

中天北斗。解厄延生。丹元廉貞。本命

星君。

中天北斗。解厄延生。北極武曲。本命

星君。

中天北斗。解厄延生。天闕破軍。本命

星君。

中天北斗。解厄延生。洞明左輔。上道

星君。

中天北斗。解厄延生。隱光右弼。上道

星君。

中天北斗。解厄延生。虛精開德。上台

星君。

中天北斗。解厄延生。六淳司空。中台

星君。

中天北斗。解厄延生。曲生司祿。下台

星君。

日宮太陽。炎光帝君。

月府太陰。結璘皇君。

東方木德。歲朔星君。

南方火德。熒憾星君。

西方金德。太白星君。

北方水德。伺宸星君。

中央土德。鎮星星君。
天罡神首。羅喉星君。
天罡神尾。計都星君。
太乙華陽。紫氣星君。
太乙華陰。月孛星君。
四方二十八宿星君。
天罡大聖。河漢群真。
三界十方。一切諸聖。
天曹主照。醮弟子當生本命元辰星君。

北斗偈

朝禮斗中真大聖。北極宮中最上尊。
寶光豁落照無邊。三界十方咸稽首。
運轉璇璣無暫息。高提天印斡乾坤。
圓明妙道冠諸天。示現無窮難讚盡。
貪狼應感降分輝。巨門羽蓋下虛空。
祿存炫赫祥光照。文曲頻出玉雲中。
廉貞擁從隨鸞駕。武曲高燦日增輝。
破軍標渺隨罡轉。輔星環拱太虛空。

尊帝二星爲內弼。月勝擎羊悉從鸞。
雲車鶴駕下微壇。掃蕩妖邪並疫癘。
延年益算福長生。消災降福不思議。
弟子稽首望來臨。惟願分輝降紅塵。
大悲大願。大聖大慈。萬民慈父。璇璣
玉衡。

回向文

北斗大聖。玉真仙靈。貪狼巨門。
保我長生。祿存文曲。使我聰明。

廉貞武曲。衛我安寧。破軍輔弼。
護我身形。常居吉慶。永處福齡。
註上生籍。勾落死名。神炁清爽。
洞達幽冥。禦邪攝鬼。羣妖摧傾。
學道修真。伏願遂成。七元覆護。
飛昇紫庭。弟子下情。無任感
恩荷
聖激切。懇禱之至。
唵嘛唎唧吽娑呵

唵 哪 嚩 嚩 嚩 呬 嚩 娑 呵

向來禮斗功德。上奉高真。下保平安。
。賜福消災。同賴善功。證無上道。
一切信禮。至心稱念。
圓明斗姥天尊。不可思議功德。

結經讚

巍巍大梵。雷祖皇王。四頭八臂放祥光。
。救劫禎祥。一炷清香。回向法中王。
。